

ANG CRISTOHANONG KINABUHI, ANG IGLESIAHANONG KINABUHI, ANG KAHINGPITAN SA PANAHON, UG ANG PAG-ANHI SA GINOO

(Sabado—Ikaduhang Sesyon sa Buntag)

Mensahe 5

Ang Pag-ampo sa Panahon nga Gihalad sa Dios pinaagi sa Iglesia, ang Lawas ni Cristo, nga Balay-ampoanan

Basahong Kasulatan: Isa. 56:7; Mat. 18:18-19; Mar. 11:17; Efe. 1:20-23; 2:6

I. Ang pag-ampo sa panahon mao ang pag-ampo sa iglesia nga Lawas ni Cristo, ang pag-ampong nigamit sa pagbulot-an ni Cristo nga Ginoong nikayab ug Ulo sa Lawas, aron matuman ang pamatigayon sa Dios—Isa. 45:11; 62:6-7; Ezeq. 36:37; Mat. 18:18-19:

- A. Nagpakita ang pagkayab ni Cristo nga nahuman na gyod ang tibuok buhat sa pagtubos—Heb. 1:3; 10:12:
 - 1. Nagpakita ang pagkayab ni Cristo nga naestablisar na ang pagkaginoon Niya—Buh. 2:36.
 - 2. Gituboy na sa Dios si Cristo, giestablisar nga Ginoon sa uniberso ug Ulo sa tanang butang ngadto sa iglesia; nailalom sa Iyang mga tiil ang tanang butang, ug sigeng gipalatay nganha sa iglesia, nga Lawas Niya, ang tanang nabatongan ug nakab-ot Niya—Efe. 1:22-23.
- B. Kay Lawas man ni Cristo ang iglesia, pareha ra gyog posisyon ni Cristo ang iglesia; kay nausa man sa Ulo ang Lawas, pareha ra gyog posisyon sa Ulo ang Lawas—1 Cor. 12:12, 27; Efe. 5:30.
- C. Ang pagbulot-an sa Lawas mao ang pagbulot-an sa Ulo nga gigamit sa Lawas; busa, ang pagbulot-an sa Lawas mao ang pagbulot-an sa Ulo—Col. 1:18; 2:19.
- D. Dili pag-ampo sa tinagsang mga magtutuo ang pag-ampo sa panahon; pag-ampo hinuon kini sa iglesia nga Lawas ni Cristo—Buh. 12:5; Bug. 8:3:
 - 1. Ning pag-ampo dili ta magpakiluoy sa Ginoon nga mobuhat alang nato; angkonon hinuon nato ang nabatongan ug nakab-ot na sa Ginoon; gipalingkod Siya sa may tuong kamot sa Dios sa kalangitan, labaw sa tanang pamunoan, pagbulot-an, gahom, kaginoohan, ug tanang ngalan nga ginganlan—Efe. 1:20-21.
 - 2. Kon moampo ta sumala sa nabatongan na sa Ginoon sa pagkayab, mobarog ta diha sa Iyang pagkayab ug moangkon sa Iyang pagkaginoon sa kasamtangang sitwasyon sa kalibotan—2:6.
 - 3. Kay nausa man sa Ulo ang Lawas didto sa mga langit, dunay pagbulot-an ang Lawas sa paggapos o paghubad dinhi sa yuta sa gigapos o gihubaran na sa mga langit—Mat. 16:19; 18:18.
- E. Aron hingpit gyong makaampo ning pag-ampo ug makagamit sa pagbulot-an gihatag sa Ulo sa Lawas, kinahanglan makaampo ta nga mga bahin ta sa Lawas, ug magkinabuhi, mobuhat, ug molihok gyod ta diha sa Lawas—Rom. 12:5; 1 Cor. 12:12-27.

II. Balay-ampoanan ang iglesia, nga Lawas ni Cristo—Isa. 56:7; Mar. 11:17; Juan 2:16-17, 19-21; 14:2; Heb. 3:6:

- A. Sa iglesia nga templo sa Dios, nga balay-ampoanan, moampo ta aron matuman

- ang gitinguha sa Dios, mabuhay ang Iyang kabubut-on, ug mahuman ang Iyang pamatigayon—1 Hari 8:48; Dan. 9:1-23; Juan 15:7; Mat. 6:10; Efe. 3:14-21; 5:27; Bug. 14:1; 21:2.
- B. Diha sa balay-ampoanan nagkinabuhi ug nag-alagad ta isip tawo sa pag-ampo, nag-ampo sa misteryosong Dios diha sa diosnon ug misticong ginsakpan—Luc. 5:16; Juan 6:57; 14:9-10, 20.
- C. Diha sa iglesia nga templo sa Dios, nga balay-ampoanan, moampo ta segun sa gitinguha ug gihunahuna sa Dios; bililhon ug bug-at kanang pag-ampo, ug makauyog kini sa mga ganghaan sa Hades ug makaapekto ni Satanas—Dan. 9:1-23.
- D. Ang pag-ampong makapahimuot sa Dios pag-ampo nga nangamuyo nga matuman ang kabubut-on sa Dios ug makompleto ang buhat Niya—Mat. 6:10; Col. 1:9; 4:12; Isa. 45:11; 62:6-7; Ezeq. 36:37.
- E. Ang pag-ampo nato diha sa balay-ampoanan aron gyod matuman ang pamatigayon sa Dios—1 Hari 8:48:
1. Ang Balaang Yuta, ang balaang syudad, ug ang balaang templo mao ang tulo ka mahinungdanong butang kalabot sa pamatigayon sa Dios:
 - a. Si Cristo ang maayong yuta nato; si Cristo ang syudad nato, ang gingharian nato; ug si Cristo ang templo, ang puluy-anan sa Dios.
 - b. Ipatumong gyod nato sa Balaang Yuta, sa balaang syudad, ug sa balaang templo ang mga pag-ampo nato; nagpasabot kini nga ipatumong gyod ang atong mga pag-ampo sa interes sa Dios, sa ato pa, ni Cristo ug sa iglesia nga interes sa Dios dinhi sa yuta—Efe. 1:16-23; 3:14-21.
 - c. Nag-ampo si Daniel alang sa Balaang Yuta, sa balaang syudad, ug sa balaang templo nga inablihan ang iyang mga bintana paatubang sa Jerusalem—Dan. 6:10.
 2. Aron hustong makaampo, moampo gyod ta sa Dios sa ngalan ni Ginoong Jesus, mopatumong sa interes sa Dios alang sa Iyang pamatigayon; ang pag-ampo sa ngalan ni Jesus pag-ampo man alang sa interes sa Dios dinhi sa yuta, nga mao si Cristo nga pahat sa Dios kanato, gingharian sa Dios, ug puluy-anan sa Dios—Juan 14:13-14; 15:16; Efe. 2:21-22; 3:8; Col. 1:12-13.
- F. Sa langitnong pagpangalagad ni Cristo, nangamuyo, nangalagad, ug nagpatuman Siya sa administrasyon sa Dios, ug kita gyod unta kadtong nisanong sa mga kalihokan ni Cristo sa langitnong pagpangalagad Niya pinaagi sa atong mga pag-ampo diha sa iglesia nga templo sa Dios, nga balay-ampoanan—Heb. 2:17; 4:14; 7:25-26; 8:1-2; Bug. 5:6; Col. 3:1-4:
1. Pinaagi sa pag-ampo nato, makabuhay si Cristo, nga Ulo, sa pagpatuman sa Iyang administrasyon pinaagi sa Iyang Lawas; samtang nagbuhay ang Ulo sa langit sa pagpangamuyo, pagpangalagad, ug pagdumala, nagbuhay ta, nga Lawas dinhi sa yuta sa pagsanong nato sa langitnong pagpangalagad ni Cristo ug pagpasumbalik sa gibuhay Niya—1:18; 2:19; 3:1-2; Heb. 2:17; 4:14; 7:25-26; 8:1-2; Bug. 5:6.
 2. Kon magtinguha ta sa mga butang nga naa sa itaas ug dunay usa rang kinabuhi ug usang pagkinabuhi ni Cristo, bug-os gyod tang maokupahan sa interes sa Ginoo; maanaa ang atong kasingkasing uban Niya sa langit, nga niini nangamuyo Siya alang sa kaiglesihan, nagsangkap sa mga balaan, ug nagdumala sa pangagamhanan sa Dios—Col. 3:1-4, 17.
- G. Naa sa posisyon sa pagkayab ang pag-ampo diha sa iglesia nga balay-ampoanan, ug ning posisyona sa pag-ampo naa ang pagbulot-an sa pag-ampo; duna ngani tay langitnong posisyon ug pagbulot-an, mahimong pagdumala sa Dios

ang atong mga pag-ampo, ang pagpatuman sa kabubut-on sa Dios; kini ang kusganong pag-ampo sa iglesia—ang pag-ampo sa panahon—Efe. 1:22-23; 2:6; Mat. 6:9-10, 13.

- H. Diha sa iglesia nga balay-ampoanan, nag-ampo ta sa inampoang nagpatuman, nga naggapos dinhi sa yuta sa gigapos na sa langit ug naghubad dinhi sa yuta sa gihubaran na sa langit; pag-ampo kini sa Lawas; maato lang kining pag-ampo kon mangamuyo ta nga “nagkauyon”—18:18-19.
- I. Diha sa iglesia nga balay-ampoanan, makaambit ta sa nangamuyong kinabuhi ni Cristo, nag-ampo diha sa sentro sa diosnong administrasyon—Bug. 8:3; Heb. 7:25; Rom. 8:26-27, 34.
- J. Ang sentrong hisgotanan ug tumong sa pag-ampo diha sa balay-ampoanan pag-andam mag mahimayaong iglesia alang ni Cristo, iglesia nga mahiangay Niya ug motuman sa tinguha sa Iyang kasingkasing—Efe. 1:5, 9; 3:14-21; 5:27.
- K. Ang pahiuli sa Ginoo pagtukod man sa Sion—ang realidad sa Lawas ni Cristo nga mahingpit sa Bag-ong Jerusalem—ug modangat ta sa Sion sa pag-ampo nato diha sa iglesia nga balay-ampoanan—4:16; Bug. 14:1; 21:2.